

Lelo ilyo mulepepa . . .

WWW.TENDAYSOFPRAAYER.ORG

UBUSHIKU BWA 1 – IKALENI MULI INE

“Ni’ne mwangashi, imwe muli misambo. Nga mwaikala muli ine, na ine muli imwe, mukatwala ifisabo ifingi; ukwabula ine tapali ico mwingacita” (Yohane 15:5, NIV).

Ukulundana mu kutwalilila—Umubēlo Winewine uwa Kutwalilamo Ifitwalo

Panuma ya kupwisha masambililo naitilwe ukuya ku citungu icakwete ifilonganino finōno fitatu fye. Cali ni nshita ya mupepo. Mu cilanganino cimo mwafulile abakalamba. Pe Sabata lisuma limo, nga filya ciba pa kusefya icaka, twakwete abantu mupepi na 40. Pe Sabata limbi twakwete nalimo 10.

Pe Sabata limo kwalitalēle nganshi, mupepi na -32°F, elyo abantu pabula (9) bamoneke: abalupwa lwandi twali 4 elyo no lupwa lumbi basano. Calimpapwishe, *Bushe kuti nashimikila?* Cilōlo mukalamba, umwa-nakashi, nakulu-bantu uwali ne myaka 90, atile kuli ine, “Tulabwesha icekumi, kanshi ufwele ukushimikila.” E fyo nacitile.

Nafumishe ubushimikilo bwandi muli Yohane 15:4–8. Mu maversi yane (4) Yesu abwekesha amashiwi “Ikaleni muli Ine” imiku itatu. Mu mikalile ya baHebere, ukubwekeshapo imiku itatu kwalicindama nganshi, kabili kulafwaikwa. Nakonkomēshe no kuti te mulandu wa fintu ifyo **tucita** mu mweo wa bwina Kristu . . . Ilyo twaitwa ku kupyunga, tatwakaikwatile fisabo fwe bene. Lelo, Yesu apēle icebo Cakwe ukuti nga twaikala muli Wene, conse co twalomba, cikacitilwa ifwe. Takwaba kutwishika; kwaba fye ukushininkisha umupwilapo ukuti filecitika bwino.

Naebele bakomfwa nati, “Kanshi, te ico ifwe twingacita, lelo ni ico Lesa engacita e cingalenga kube ubu-pusano butuntulu.”

Kalemba Ellen G. White alanda, ati, “Te maka wakwata nangu ayo ukakwata yakakulenga ukubomba bwino. Ni cilya cintu Shikulu engakucitilako e cingalenga. Tulekabila ukucefyako ukucetekela mu fyo umuntu engacita, e lyo tulundeko ukucetekela mu fyo Lesa engacitilako umuntu onse uwasumina” (*Christian Service*, p. 262).

Naebele ibumba lya bantu bāleumfwako nati, ipepo “ni nkama ya maka ya fya kumupashi” (*Prayer*, p. 12). Lilatulundanya ku “Ntulo ya bukose” (*Prayer*, p. 272). Ipepo lilenga ifwe ukuti tusange “ifyuma fyafulisha fya kwa Lesa” (*Steps to Christ*, p. 95). Lyene lyaba e canso cisuma ica kutucingilila ku kulwisha kwa kwa Satana (*Testimonies for the Church*, vol. 1 pp. 295, 296, 345, 346).

Nabashimikile pa bulayo buntu Yesu alaile muli Mateo 18:19, 20. “Kabili ndemweba, nati, nga babili ba muli imwe balayana pano isonde ulwa cintu conse ico bengalomba, cikabacitilwa kuli Tāta wa mu mūlu. Pantu ukuli babili napamo batatu abalongana mwi shina lyandi e ko ndi mu kati kabo” (NIV). Tacasosa ukuti “nga bantu imyanda ibili (200) nangu imyanda itatu (300) balomba,” lelo “nga babili nangu batatu bengalomba” icintu cimo mu kulayana, mu kwikatana. Kabili te kutila, “Limbi kuti nacita” lelo nacumfwika fye bwino “Ine **nkacita**.”

Naebele abaleng’ufwa,nati, “Ukukānaacitapo nangu cimo te cintu twingasala. Tufwile ukupepa no kubomba, na Lesa akapēla ifisabo filya ālaya.” Bwali bushimikilo ubwakosa ubwalelanda pa maka ye pepo.

Ilyo ine na bakashi bandi twalebwelela ku ng'anda, naebele abakashi, nati, "Tulingile ukufuma kuno. Takuli 'subilo lya kukula nangu icili conse muli ci cilonganino." Abakashi bandi bancinkwileko ubushimikilo bwandi, pamo no kulaya kwa kwa Yesu, e lyo banjipusha, "Mulandu nshi mushingabetila ku mapepo?" Mu kushingashinga nacityle ifyo fine. Abo banamayo ba ncepela baleisa cila lucelo pa 6:30 a.m. ku kupepelela Umupashi wa Mushilo, ukukula kwa cilonganino, indupwa, umusumba, ubwanshiko bwa kwa Lesa mu cilon

ganino cesu, e lyo no kwishiba bwinobwino ifyo tufwile ukucita. Panuma ya myeshi itatu icilonganino cakwete abaleisa ku kulonga umwanda umo na makumi yabili (120) bonse pamo.

Lesalekwita ukuti utwalilile ukwikala muli Wene, ulepepa ukwabula ukuleka, wilaiputulako, kabili uleenda Nankwe. Alekulālika ukuti wikale muli Wene, na iwe ufwile ukulamulālika ukuti aleikala muli iwe. Iyi e ntulo fye ya maka ya cishinka. Ubu e bucingo bobo. Lyonse ilyo ulundēne na Lesa, Satana tekuti abe na maka pali iwe. Kristu muli iwe na iwe muli Wene e nshila imo fye iya kukula no kubomba bwino. Natupepele pamo.

Inshita ya Kupepa (30–45 Minutes)

Amabumba ya mapepo yonse yabomfya inshila shalekana lekana isha kupepelela pamo. Tulemukoselesha ukuti mulekwata utushita na tumbi 30-45 (minutes) mu kupepelela ca pamo, mu nshila yonse intu Umupashi Wamushilo walamutungulwila. Tulekoselesha amapepo ya kulanshanya ayepi - umusēla wa mashiwi umo ukufika pa misēla itatu (1-3 sentences). Ici kuti calenga abengi ukupepa imiku iingi. Pe samba pali ifyakulangila ukupepelela mwi Lembo (**Praying through Scripture**) ukulingana ne cikomo. Kuti mwapepelela na mu fiputulwa fya Malembo na fimbi no kubikamo ifisambililo na fimbi mu nshita mulepepa. Moneni mwi pepala lya **"Kutungulula Intungulushi"** (**Leader's Guide**) na **"Mepusho ya Kupepelapo Icilonganino conse mu calo conse"** (**World Church Prayer Requests**) pa kuti mwaishibilapo na fimbi ifyo mwingacita mwi pepo.

Ukupepa mu Cebo ca kwa Lesa — Yohane 15:5

"Ni'ne mwangashi, imwe muli misambo. Nga mwaikala muli ine, na ine muli imwe, mukatwala ifisabo ifingi; ukwabula ine tapali ico mwingacita."

"Ikaleni muli Ine na Ine muli imwe"

Mwe Yesu, tusambilisheni ifya kwikala muli Imwe cila bushiku. Akubula Imwe, tuli fye nga imisambo yauma iyapātulwa ku mwangashi upēlo-mweo. Endeni na ifwe, bombeni muli ifwe, landileni muli ifwe. Twapapāta ikaleni mu mitima yesu e lyo mutemwe ne calo conse ukupitila muli ifwe.

"Mukatwala ifisabo ifinngi"

Mwe Mfumu, twaishiba ukuti ubulungami bonse bufuma kuli Imwe. Kusheni icisabo/ifisabo fya Mupashi mu myeo yesu. Twisushenimo ukutemwa, ukusekelela, umutende, ukutēkanya, iconngwe, ubusuma, icishinka, ukunakillila, no kuteko mutima. Lekenimyeo yesu ilelangisha imibēle yenu iyabula itoni kuli onse uo twakumanya.

"Mbula ine tekuti mucite kantu iyo"

Mwe Mfumu, ubulungami bwesu bwabe nge laya lya citātilo. Tulapula mu malayo yesu, tulakalifya abalwani besu, kabili talabemba balya twatemwa. Ukwabula Imwe, tatwakwate bwafwo kabili twalaluba. Tulekabila ukutemwa Kwenu, ukutēko mutima Kwenu, no kusenamina Kwenu mu mitima yesu cila bushiku. Tupalamikeni pa mbali Yenu.

Ukulundapo ifyo Mwingacita mu Mapepo

Ukutasha no Kulumbanya: Tasheni Lesa pa mapālo ayo mwishibe no kumulumbanya pa busuma Bwakwe.

Ukuyebelela: Buleni utushita twa kuyebelela mu nkama no kutasha Lesa pa kumulekelela.

Ukutungululwa: Ipusheni Lesa ukumupēla māno pa filemukosela pali nombamba na mu kusala kwenu conse.

Icilonganino cesu: Pepeleni pa kukabila kwa cilonganino mu citungu cenu elyo na mu calo conse (moneni pe būla lyaibela apali amepusho ya kupepelapo).

Amepusho ya Pamwesu: Pepeleni pa kukabila kwa filundwa fya cilonganino, ndupwa, na bena mupalamano

Ukumfwa no Kwasuka: Buleni nshita ya kumfwa kwi shiwi lya kwa Lesa no kwasukila mu kulumbanya na mu nyimbo.

Inyimbo Mwingemba:

Local Bemba #29 Abide With Me (SDAH #50);

Local Bemba #130 - Draw Me Nearer (SDAH #306);

In the Garden (SDA #487)

Other Songs: Into My Heart; As the Deer; Open My Eyes, Lord; Unto Thee, O Lord